



Broj: 05-04-20-2685-6/23  
Datum: 19.09.2023.godine

Na osnovu člana 100. stav (3) Zakona o javnim nabavkama („Službeni glasnik BiH“, broj 39/14 i 59/22), i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa žalbom ponuđača „Geo put“ d.o.o. Maglaj od 15.09.2023.godine, u postupku javne nabavke „Sanacija, rekonstrukcija i izgradnja lokalnih puteva, gradskih ulica i trotoara i sl. i isporuka materijala na području općine Maglaj“, Općinski načelnik, d o n o s i

### **ODLUKU**

o stavljanju van snage Odluke izboru najpovoljnijeg ponuđača  
broj: 05-04-20-2685-4/23 od 06.09.2023.godine

#### **I**

Ovom Odlukom stavlja se van snage Odluka o izboru najpovoljnijeg ponuđača broj: **05-04-20-2685-4/23 od 06.09.2023.godine** donesene u otvorenom postupku za dodjelu ugovora za nabavku radova na Sanaciji, rekonstrukciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj.

#### **II**

Donosi se Odluka o izboru najpovoljnijeg ponuđača i ugovor za nabavku radova na Sanaciji, rekonstrukciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj, dodjeljuje se ponuđaču „**Hajdić**“ d.o.o. Maglaj, u skladu sa ponudom broj 33/23 od 23.08.2023. godine, po ukupnoj cijeni od iznosu od **473.398,00 KM bez PDV-a, odnosno iznosu 553.875,66 KM sa PDV-om.**

#### **III**

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

### **O b r a z l o ž e n j e**

U otvorenom postupku za dodjelu ugovora o nabavci radova „Sanacija, rekonstrukcija i izgradnja lokalnih puteva, gradskih ulica i trotoara i sl. i isporuka materijala na području općine Maglaj,“ koji je objavljen na portalu javnih nabavki Obavještenje o nabavci broj: 1140-1-3-97-3-47/23 od 01.08.2023. godine i „Službenom glasniku BiH“ broj 54/23 od 04.08.2023.godine, donesena je Odluka o izboru najpovoljnijeg ponuđača broj: 05-04-20-2685-4/23 od 06.09.2023.godine.

Protiv navedene Odluke blagovremeno je izjavio žalbu ponuđač „Geo put“ d.o.o. Maglaj od 13.09.2023.godine, koja je zaprimljena u Općinu Maglaja dana 15.09.2023.godine. Postupajući po navedenoj žalbi, ponovnim uvidom u Zapisnik o pregledu i ocjeni ponuda, od 30.08.2023.godine i to u tabelarni prikaz „TRAŽENO - DOSTAVLJENO“ utvrđeno je da su žalbeni navodi vezano za propuste na strani 2.10. Zapisnika u dijelu tabele „Traženo“ Spisak ugovora izvršenih u posljednje dvije godine računajući od dana dostavljanja ponude, koji su za predmet imali radove srodne radovima ove nabavke, a čija ukupna vrijednost je bila minimalno ...gdje je trebalo da stoji 500.000,00 KM, isto se ponavlja na strani 4.10. na strani 5.10. i na strani 6.10. Zapisnika, osnovani.

Naime, došlo je do štamparske greške te umjesto iznos od 500.000,00 KM ostao je iznos od 25.000,00 KM i drugi iznosi.

U drugom dijelu tabele „DOSTAVLJENO“ dakle „dokumenti na osnovu kojih se utvrđuje postojanje razloga za isključenje ponuđača u skladu sa čl.45-51. i 52. Zakona o javnim nabavkama“, dokumenti koje su dostavili ponuđači i to „Spisak izvršenih ugovora u posljednje dvije godine računajući od dana dostavljanja ponuda, koji su za predmet imali radove srodne radovima koji su predmet ove nabavke, uz potvrdu druge ugovorne strane (potvrde mogu biti i obična kopija)“ a kako je utvrđeno u tenderskoj dokumentaciji i u kojoj je naveden minimalan iznos bez PDV-a, (4.1.1. Sadržaj ponude, tačka c.), odgovaraju traženim uslovima koji su utvrđeni.

Dakle svi ponuđači su dostavili spisak ugovora izvršenih u posljednje dvije godine sa potvrdom druge ugovorne strane (obična kopija) koji su odgovarali iznosu koji je naveden u tenderskoj dokumentaciji, tako da je očigledno da se radi o štamparskoj grešci.

Komisija je shodno kriterijima iz tenderske dokumentacije utvrdila da sve ponude ispunjavaju uslove koji su utvrđeni u tenderskoj dokumentaciji (4.1.1. Sadržaj ponude) tako da nijedan ponuđač nije isključen zbog neispunjavanja uslova za kvalifikaciju i iste ocjenila prihvatljivim u pogledu oblika i potpunosti.

Nakon što je Komisija pregleda dostavljene ponude konstatovala je da su na ponudama ponuđača „Dobojputevi“ d.d. Doboj Jug, i „Hajdić“ d.o.o. Maglaj uočene računске greške, te im je upućen zahtjev za prihvatanje ispravke greške, u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“ br. 90/14 i 20/15). Oba ponuđača su blagovremeno u ostavljenom roku prihvatila ispravku računске greške, te njihove ponude nisu odbačene, u smislu člana 68. stav (4) tačka g) Zakona o javnim nabavkama.

U skladu sa kriterijem „ekonomski najpovoljnija ponuda“ utvrđena je konačna rang lista ponuđača, kako slijedi u tabeli.

Naziv /ime ponuđača	Ukupan broj bodova
„Hajdić“ d.o.o. Maglaj	100
„Geo put“ d.o.o. Maglaj	99
„Porobić d.o.o. Zavidovići	99
„Dobojputevi“ d.d. Doboj Jug	98

Rangiranje prihvatljivih ponuda prema kriteriju za izbor ponude, je sljedeći:

r/b	Naziv ponuđača	Cijena / KM bez PDV-a	Cijena / KM sa PDV-om
1.	„Hajdić“ d.o.o. Maglaj	473.398,00	553.875,66
2.	„Geo put“ d.o.o. Maglaj	476.189,50	557.141,72
3.	„Porobić“ d.o.o. Zavidovići	479.197,60	560.661,19
4.	„Dobojputevi“ d.d. Doboj Jug	482.583,00	564.622,11

Komisija je sačinila Zapisnik o pregledu i ocijeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor u predmetnom postupku dodijeli ponuđaču "Hajdić" d.o.o. Maglaj.

Na osnovu svega izloženog, a u skladu sa članom 100. stav (3) Zakona o javnim nabavkama BiH, („Službeni glasnik BiH“, broj 39/14 i 59/22), kojim je utvrđeno da „Ako je žalba blagovremena, dopuštena i izjavljena od ovlaštenog lica lica koje ima aktivnu legitimaciju, ugovorni organ, razmatrajući žalbu, može utvrditi da je ona djelimično ili u cjelini osnovana i svojim rješenjem ispraviti radnju, preduzeti činjenice, izmjeniti i/ili dopuniti tendersku dokumentaciju ili može postojeću odluku ili rješenje staviti van snage i zamjeniti je drugom odlukom ili rješenjem, ... te o tome obavijestiti učesnike u postupku javne nabavke na način određen ovim zakonom, u roku od pet dana od dana prijema žalbe“, odlučeno je kao u dispozitivu ove odluke

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



